

並帆船前往各埠

色羽織九員八至十員

艾粉三百七十八兩至三百八十二兩

二面二千四百員至二千三百員五

於仁輪船公司每股現值

雖未有定實

一

頭品頂戴兩江總督臣劉坤一江蘇巡撫臣吳元炳署理漕運總督江蘇布政使臣譚均培跪 奏爲已故漕臣還愛在民懇 恩准建專祠以彰忠藎而慰輿情恭摺會陳仰祈 聖鑒事竊照漕臣文彬在任病故仰蒙 高厚之施 優予節終之典該漕督久在江北甚得民心聞其渥被 恩綸莫不同聲欽感旋據山陽縣紳士刑部員外郎李宗茂清河縣紳士刑部員外郎吳昆田等泰安縣紳士舉人朱伯堦等桃源縣紳士分發河南知府尹彥劍等在臣等衙門投遞公稟請將事實具 奏懇於清江浦地方建立專祠等情前來臣等伏查文彬於同治元年補授山東沂州府知府與江北之徐州府壤地相接其時土匪宋損等勾結捻逆張總憲賴汶洸往來蹂躪甚披猖文彬選練士卒激勵民團與前漕臣吳棠互爲聲援不獨保全境土兼能策應隣省徐人感之頌聲日起迨同治十一年以山東藩司署理漕運總督深知徐海一帶盜風甚熾而稽匪朱方茂尤爲兇狡結黨數十百人肆行劫殺歷任督漕漕臣屢拿未獲當即督率將士設法兜拿懸不資之賞嚴疏縱之誅先將該匪悍黨朱小五擒斬匪首朱方茂李際平旋即就獲光緒元年幅匪閻廣大蠢動立計牛之二年匪首徐方信雷三等因旱災作亂煽誘飢民數處齊發文彬以爲不急誅除且成流寇不爲區別必及無辜其時留防兵勇已經減少巡防截防恒苦不敷乃騰布條教解散飢民旋將爲首各匪逐一剪除不數旬間地方大定人心乃安是年冬間東豫兩省灾民紛紛南下文彬剴切疏陳蒙 恩撥款煮賑並興辦宿工工程俾壯者自食其力不侵老弱之額倉卒舉辦無章可循文彬細心壁畫如保嬰兒凡一人一事之微無不精神貫注全活者不下十餘萬人四年湖河並漲江湖頂托淮揚堤岸岌岌可危文彬竭力守禦必俟裨下河秋禾收穫甫開高郵各壩水雖盛而不爲灾工雖險而卒無患人咸謂精誠所格非偶然也他如興文教振貧窮裕倉儲嚴保甲一切教民養民之事皆以實力行之始終無懈上年督漕赴東兼勘運道備嘗艱苦受病已深本年查勘所轄海口病又加劇遂以不起其三子五品銜分部主事舉人延照隨侍在署其長子五品銜戶部主事舉人延煜次子四品頂戴分部主事舉人延熙奔喪來浦軍民見而泣下者甚衆蓋其仁心惠政入人深矣固宜羣情依戀報以榮香臣等既已接據公稟未敢壅於 上聞謹將事實臚陳合無 仰懇 天恩准於清江浦地方建立專祠由地方官春秋致祭以彰忠藎而慰輿情出自 逾格鴻慈除抄錄原稟事實咨部外理合恭摺會陳伏乞 皇太后 皇上聖鑒 訓示再此摺係會商由臣譚鈞培主稿合併聲明謹 奏奉 旨已錄

廣西學政臣秦樹春跪 奏爲恭報徵臣考過廣西桂林平樂梧州鬱林潯州各府州歲試情形恭摺仰祈
聖鑒事竊臣於本年正月補行考試上年已卯科優貢業經 題報在案隨於二月初六日出省照章先試平
樂府依次遞及梧州府鬱林州潯州府六月旋省接試桂林府各處應試人數多寡不等文風均屬平正該士
子遵守場規尚少槍替等弊其文武學額均皆如數取進所有徵臣考過桂林平樂梧州鬱林潯州四府一直
隸州歲試情形理合恭摺具 奏伏乞 皇太后 皇上聖鑒再臣經過地方雨暘時若年穀順成民情安謐
堪以仰慰 聖廑臣於拜摺後即出省按試柳州府等處合併聲明謹 奏軍機大臣奉 旨知道了欽此○
馮譽曠片 再學政考試各屬考棚在外縣由督撫檄委知府充當提調歷經遵辦在案查西安府屬考棚向
在三原縣城內現屆學臣考試西安府屬生童人數較多計須一月有餘方能竣事該府係省會首郡政務殷
煩時有發審委辦等件現署知府鄭子兆勢難兼顧考試事宜亦有候補知府方甚正堪以派委充當提調除
行司檄飭該員前往妥爲彈壓巡察外理合附片陳明伏乞 聖鑒謹 奏軍機大臣 旨知道了欽此

十月十七日 督撫憲轅報 督憲張出府往永勝寺行禮隨拜候將軍長福建舉人王鑑清端溪掌教易到拜謝關書補用同知何廷頤稟辭押迭冬貢出境補用同知李增榮稟辭往催電白等縣兵米倉源縣史稟謝飭知先用縣魯宗頤稟辭往吳川查風災三洲司鍾稟到印事回○十九日督撫憲轅報 督憲張出府往拜會撫憲裕隨往拜候端溪掌教易四川學政譚翰林院陳景逵吏部主事孫祿增水師提督吳到拜會謝海關後到候拜謝試用府劉清泰稟銷解京餉差併引見同稟知呈繳火牌大挑知縣呂椿培候補縣丞趙百詔候補巡檢何秋澍從九品楊慶慈俱稟到京來南海縣袁昨稟知下鄉公幹候補巡檢張思孝稟知委催海陽等縣當餉從九品盛鴻勳稟知由京赴部註冊回

巨匪漏網 聞香山縣屬有著名巨匪陳大沾等拒捕傷兵而鄰村劉姓亦屢被尋仇圖害昨有劉廣學來省控告督憲批云前據范遊擊等會同香山縣許令稟報該匪等潛匿山內負隅抗拒獲犯陳亞則等十名訊供校展等情當以此案陳大沾並未就獲辦理尙無頭緒批飭確探匪踪嚴密圍捕勒交在案迄今已歷三月尙未獲犯究辦亦未據將辦理情形續行稟報該文武坐擁重兵一籌莫展實屬辦事無能仰東按察司嚴飭香山縣會同營管各員迅將此案妥爲辦結一面嚴緝勒交兄匪陳大沾等及主謀滋事各匪務獲究辦並提現犯陳亞則等覆訊明確分別錄供詳報仍將辦理情

形先行舉報察核粘抄保領並發○詔事冤魂譚仁被石亭巷沙安伯因奸殺斃其屍身雖已相驗而棺柩尚停沙宅並未掩埋茲聞有婦女好事者每日携有香燭及白鴿票字花箋筒到其屋中向棺柩參拜祈禱經營弁出示禁止無如嗜賭之徒希圖財利而看守此屋之人藉以嫌貲更有舞神棍者欲送扁額冒作中白鴿票酬謝之意街鄰不允因而中止惟香烟繚繞參拜者絡繹於途殊足異也○術士多謀前錄十八甫星士自稱由京都來粵占課如神志圖蠱惑有僕婦被其誣騙衣物首飾約值不貲翌日僕婦到門而星士早已遁去聞是日常在門前理論時亦有婦女相聚談及此輩黨類甚衆遍走江湖前月我等被其煽騙百餘金或數十金亦係一時昏惑翌日始悟曾經集議街鄰向其追究而此輩始則堅不承認繼則延玩日期及後則室是人非不知去向我等至今猶爲抱恨云

中外新聞
答籌餉捷徑論畧 有致書於本館者內附籌餉捷徑論畧一則自稱爲粵東有心子目擊時艱論及籌餉之事謂有捷徑在焉囑刊錄於報中其言曰方今俄人肆其欺陵上自朝廷下至草野莫不心深忿恨欲與一戰以彰天威顧以籌餉計窮不勝焦慮抑知中國地大物博戶口蕃衍何患財賦無出今試就吾粵言之東西兩省共一百三十縣每縣男女老少壯計約有六十萬人每人日中必要食鹽四分則每日必要消鹽二百萬觔若每觔於載運時加抽釐捐五釐每日可得銀一萬兩鄰省消鹽約亦每日有數十萬觔總計每日可得銀數萬兩似此抽法計八口之家日中不過多錢一文六毫而統計遞年有銀四百餘萬是所抽甚微所益甚大也惟須綜其大綱認真舉辦嚴懲私梟之走漏杜絕漏卮之中飽則不出兩月自能成效克收國家既有此鉅款百廢俱舉何患需用不敷兵勇難練乎又洋藥一欸更宜加重釐稅蓋此物久干厲禁不肖人民自捏法網互相誘吸本無足惜卽格外加抽彼亦難出怨言也若於二者得人以經理之則勝於添設釐卡抽收往來零碎貨物權及隻鷄斗粟查及尺布縷絲以視紛紛於各行議增議減適墮奸商之詭術最取宵之訛索而致欸不加多怨者載道者其計之孰得孰失事之孰難孰易蓋不可同日而語矣謹獻芻蕘以資采擇焉來函之言如此竊以爲籌餉而思及食鹽洋藥二欸誠爲握要之圖當今之務矣果辦理得宜則此外民生日用所需似可不必再行加抽也雖然猶有一說焉食鹽與洋藥其切於民者尚有緩急之分輕重之別也國家財賦所出向以鹽爲大宗近年以來中外通商烟禁既弛而洋稅關進欸又恃洋藥以酌贏劑盧協助度支之所不足苟有可籌無不於此二者竭其心力殫其思慮以冀稅務之日有起色昨經戶部通盤籌

算以裕餉源曾奏請於兩淮鹽商將引票設法加增捐款而四川鹽務又經丁制軍極力轉頓是朝廷已於鹽課中必思盡收其利而悉去其弊也惟以民食所關故不欲操切從事以期便於民而不病於國惟洋藥則吸食有禁洋關所收稅項實出於事不獲已至膏釐所抽祇爲地方善後事宜及濟海防經費固以本地之釐供本地之用也民不吸煙可以不死民缺食鹽則將禍變百出所關甚大不容不察也且善爲政者貴在安民善權利者必不害國其有時加征款項亦祇順其自然因勢而利導之並不使商民交困而國家終受其病按課鹽以供邦財始於管子至唐第五琦更制鹽法而鹽政盡詳劉晏因民所急而稅之又奏罷諸道鹽錢及商舟所過稅錢故歲中雖增鹽稅至六百餘萬緡而商民皆稱利便自是鹽稅居天下財賦之半舉凡軍國大計胥於是乎倚賴焉其後接辦之人悉改劉晏之法至鹽價日貴商受其累而民亦不勝其困盜賊蠹起唐遂以亡蓋商賈既絕鹽日短絀價日踊貴則私梟圖利罔恤身命而正課所以缺也大抵國家之利祇有此數欲盡輸於官必將盡奪於民其始驟覺加增聊濟一時之急似屬權宜可喜而不知無形之搜括日朘月削元氣漸耗終將不支惟見微知著者乃能計及久遠蓋於國之增國務在於裕民而恤商之政亦即所以恤民必能留餘之取乃能免終竭之患寬學淺識自抒臆見質諸有心子以爲然否

中俄近事電音 西歷十一月二十日英國發來電音云中俄之局已有可和之勢蓋據勞西日報所言也按中俄之事久無消息昨據西字報云中國星使曾侯至俄商及事款俄廷答以必須中朝先允所議之約然後再行裁奪一切免蹈崇前使之轍徒勞跋涉致費唇舌云似此則俄必將悉照前約辦理也明矣此云有可和之勢其爲俄人肯降心相從乎抑中朝深慮兵凶戰危怯於構釁悉依俄人所索以償之乎電文簡畧至此殊費猜度矣○英將行程 西字報謂戈登將軍由中土言旋計其行程當於西歷十月中旬可以回到英國矣蓋戈登前在中國起程順道至埃及國英廷委其馳往山思巴地方以相事機而弭禍亂蓋因阿非利加南境有交關之事也戈登得接此耗旋因埃及各埠刻下無一船以前往山思巴處故擬先回英國謁見英后備聆訓諭以便遵守然後附船前往辦理所委事務也○護理政事 閱西字報謂南洋有一島名棟希遜者素有酋長統其人民理其政事經法國在此建設口岸通商貿易故法亦設官置戍以資保護主賓甚洽耦俱無猜並未嘗或形齟齬現在位之島酋名博慕爾第五忽將島內一切政事讓與法持權以期有利共興無弊不革於西歷十月二十九日行禮法廷委有官員前往駐劄現出有告示謂所有律法政刑各事仍照舊

章辦理無庸改易俾得相安云按此島於四十年前已與法國立約通商島中土壤多有歸法管轄者然仍島會操其政權未嘗授人以太阿而倒持其柄致與慨於倖同守府也今無端將政事讓與法廷主理想必有隱情在內者雖然在法人視之則固以爲心悅誠服而後有此舉也○購買駿馬 旅港西人以賽馬之期將近皆興高采烈思及時賽勝以爲樂事相與先爲購備良馬高春錦標二十一日接得由上海發來電音謂本港賽馬會同人業已買得駿馬數匹俟便船即行附至矣

議減米稅 西貢尊那西報云埠中議政局員近者叙議一事謂將西貢出口米稅減爲每担所抽稅餉僅收仙士五枚耳現已詢謀僉同定於來歲一千八百八十一年正月一日舉行蓋年來西貢出口米稅頗重故此大議從輕減也○議貸穀種 西貢報云西貢埠法國議政局員近所籌度者有一事頗爲要緊之件緣是年西貢內地所產之米比往年較少惟香港及爪華各埠辦米之家比往年則又較多是以米價常高民之販米者舍此高價往往將所存米盡售出外竟有粒粒無存難以留爲來年播種之需法國每年所抽戶口稅窮民之家多靠穀米收成乃能清納既無餘穀則民難以開耕即稅亦無從徵收且越南之民往往不爲一後計祇顧目前若有所入必盡用然後快此非獨穀米無餘之足慮也即小民卒歲之謀已多窘迫矣國家既收人稅亦當代紓民困但行週濟之法又轉恐其民恃有倚賴安於游惰而不圖事起工故擬不如代民出播種之穀俟其收成然後取回也議政局人員以爲是遂定議捐助錢財以備貸與安南百姓俾購穀種以便開耕云按此西貢安南苗之民民樂取則與不樂則否頗便於民惟宋代則概行追派故不免滋弊耳○船艘報章 閱西字報刊有船艘報章謂現在英國倫敦都城有火船三艘前來香港俱已動輪啟程者也一爲連化洛一爲乾馬加素一爲辣那沙又有帆船二艘一爲高麗一爲士他利甫姓那由英國理華保城前來香港至於晏那那及思戈笠士及理地亞三艘火船聞亦將載貨前來云

煤船火警 新架坡太晤士日報云日耳曼帆船名富蘭士老達滿載煤炭於西歷十月二十七日行抵加喇巴埠忽爾着火西歷十月二十八日接到消息謂此船遇火從煤炭生出但見烟起不見熾發事亦奇矣沙力火船聞此消息亟馳往救護并携各種救火機器前往至事體如何現尚未得其詳也○英國奪球 泰西諸國於賽勝之法皆能鉤心鬥角炫異矜奇蓋事雖近於戲而如賽馬賽船賽力賽走諸項或以資練習或以學技藝固非無關於民生也近則倫敦京城於西歷九月初四日各處輕氣球賽行天空之際以一點半鐘時候賽行地之遠近以奪標而

奇術

杏莊主人內外科先生飽學窮源醫有奇術凡他人所不能治之症無論最危最難涼熱伸瀉皆不効者先生另有善法包醫醫館在上環大馬路街市口余等親荐危症多人百不失一凡有懸沉痾百治不効者勿謂命該如此而自誤也好善堂三十人啟

收

本博物院欲購列朝國寶如諸君有中國安南國日本國高麗國歷朝古錢祈携至本院承買

古

庚辰年

初九日

錢

何泥土謹啟

告白

啟者茲我林同德堂在澳門
新橋街開大昌隆記杉集店
係自己生意請人傭工並無
份子例無花紅如有無恥之
人冒稱說我大昌隆記店生
意有份諸君不可信實他之
言或揭借賒賬等項惟經手
是問不干我大昌隆記店之
事特此聲明以免後論
九月廿四日林同德堂字啟

內營盤蒲胡林
 木樓後便門牌
 架橋架生什物
 古人承頂如有
 自意者請至本
 號是實價甚相
 宜
 十月十四日
 行堂啟
 柳
 花
 醫
 擅
 新會洪桂昌先生幼承家學究心岐
 尤精醫花柳症向在江門濟世藥到
 廖敵友染恙特邀來港診視現已痊
 因留寓太平山昌和堂藥材店行其
 術凡患疳疔魚口便毒白濁俱皆用
 消之法不用墜藥永無後患如患白
 即日止痛六日平復凡一切恨科瘡
 等症皆能限日全愈如不奏效分文
 取現逢禮拜日奉送白濁丸以行方
 面彰功效焉
 黃明華謹啟

啟者黃葵喜釣艇船
壹隻賣與世德堂承
受議定價銀一百零
五員訂期本月廿二
日交易倘黃葵喜如
有欠到各港財東數
目祈向舊人支理特
此聲明以免後論
庚辰年十月 四吉
白

啟者本號在港貿易
向蒙 各位垂青遠
信嗣後凡有往來出
借銀兩必經郭祝溪
名乃為實事如無郭
簽名概不干本號之
惟經手是問先此聲
免後論為禱
光緒六年 九月初
白

久可揭簽溪即以
華英月份牌發售
本館唐番月份牌
歷來排印整齊字
畫玲瓏向蒙諸
尊光顧現有辛巳
年份經已印就
貴客如欲採買者
請祈移玉賁臨
或附函來亦必送
到無誤專此佈達

此新聞紙由香港歌賦街第五約門牌二十五號中華印務局總編輯刊印